

جریدہ علمیہ

مشخت جلیلہ اسلامیہ نمک جریدہ رسیہ سیدر

ربیع الآخر ۱۳۴۳

عدد: ۱۰

آیدہ بر نشر اول نور

ایکونجی سنہ

اولديغك بيسانى وبناء عليه امضاي عاليرينه بوغنوان جليك دخى ترديفيله منسوبين علميه نك قريرالعين بيورلسى سياقده ترقيم تذكرة ثناورى يه مئارت قلندى اقدم .
٢٦ ربيع الاول ١٣٣٣ ٢٩ كانون ثاني ١٣٣٠

مذاكره محركات عليه

« حضور اعلانك اصول تدقيق حقننه شوراي دولت رياستى وكالت جليله سنه »

مقدمادار الخلافه العليه قاضيسنك اعطا ايلديكى حضور اعلانك تدقيق حقننه جريان ايدن مخبره اوزرينه فتواخانه عايدن يازيلان ٢٣ جمادى الاولى سنه ١٢٩٣ تاريخلى مقتضاده عرض او طهسى دينيلن وباجمله محاكم مرجعى اولان محكمه ذات شيخ الاسلامى حاضر اولدينى حالده رؤيت اولنوب اعطا قلنان سندات واعلاماتك باشقه دائره ده وفتواخانه ده تدقيقى مسبوق اولمايوب اشتباه ايلديكى تقديرده ينه محكمه مذكورده حل اولنمق اقتضا ايلديكى افاده اولنمش وبوصورت موافق حال ومصلحت كورلمش اولديغك مجلس تدقيقات شرعيه افاده سيله طرف عاليرينه اشعارينه مبادرت قلندى اقدم .
• ربيع الاول ١٣٣٣ •

*
* *

« ابن كبيرنك زوجه سنى اتفاقه ايك جبرى مسئله سنه دائر حرييه نظارت جليله سنه »

زوجى غائب اولان زوجه نك زوج غائب دن متولد صغيرولدى بولندينى تقديرده غائبك پدرى مؤخرأ اوغلك رجوع ايتك اوزره هم حفيدى بولنان صغيرى هم ده صغيرك والده سنى يعنى اوغلك زوجه سنى اتفاقه اجبار اولنه جنى فقط زوجه مزبورده نك ولد صغيرى اولماديني تقديرده مزبورده نك نفقه سنى قاين پدرى اوزرينه لازم كليوب زوجى يوق فرض ايلديكى تقديرده مزبورده نك نفقه سنى كيمك اوزرينه لازم كليوايه زوجك غيابه حالده دخى آنك اوزرينه لازم كله چكى فتواخانه عايدن افاده قلندينى بيانيله تذكرة ثناورى ترقيم اولندى اقدم .
• ربيع الاول ١٣٣٣ •

*
* *

« موازنه عموميه قانونك اوتوزيشيجى ماده سنده كى درسام تعبيرنك مشرعه مدرسينه ده شونك دائر استانبول ولايتى دفتر دارلغه »

برمأ مورك ايكي جهتن معاش آلمسى جائز اوله ميه جنى بيانيله اسكدار محاسبه جيلكندن

وقوع بولان اشعاره بناءً شيله قضاسى مال مدير لکنجه کانون اولدن اعتباراً قطع ايدلمش
اولان مدرسلک معاشنک کما فى السابق اعطاسى استدعاسنه دائر قضاء مذکور مفتيسى
ومدرسى حسن صبرى اقدى طرفدن کوندريلن عر فحال محاسبات دائر مسنه لى الحواله
موازنه عموميه قانوننک اوتوز بشنجى ماده سنده « بر شخصه ايکى طرفدن معاش اعطا ايديله من.
آنچق در سعاملق وبالفعل معلمک مستنادر. » ديو محرر اولسنه کوره ماده مذکور نک
در ساعدن معدود بولان طشره مدرسينته ده شمولى اوله جنى مالىه نظارت جليله سندن
باتذکره از بار ايدلمش اولديغدن مومى ايله حسن صبرى اقدينک مفتيلک معاشيله برابر
مدرسلک معاشنک ده اعطاسى لزومک طرف والالرينه اشعارى افاده قلمقله ايفاي
مقتضاسنه همت اولنسى سياقده تذکره محيى ترقيم قلندى .

*
**

« مشروطه توليت جهتى اکتساب قطعيت ايجش بر اعلامه استناد ايتدکجه مشروط ليه معامله توجييه اجرا
ايديله ميه بکنه دائر حلب قاضيلکنه »

حلبده کائن خسرو پاشا وقفى توليت جهتى حقهده حلب اوقاف اداره سى ايله حکمت
اقدى مياننده متحدث دعوا دن طولايى جريان ايدن معامله دن بحثله استيدانى حاوى
وارد اولان ٢٦ محرم سنه ١٣٣٣ تاريخى تحريرات شريفه لرى اوزرينه سبق ايدن اشعاره
جواباً اوقاف هميون نظارت جليله سندن وارد اولان تذکره ده وقف مزبورک خزينه جه
و محلنجه وقفه سى مقيد اولماديني وتوليتى شروطى ده بيلنه مدیکى جهته مقدما توليت
قيدنک ترقيه خزينه جه ضبطى اجرا قلندش اولدينى بيلديرلمش وتوجيه جهات نظامنامه سنک
دردنجى ماده سنده توليتک برات عالي ايله تصرف ايديله چکى والنجى ماده سنده مشروطه
اولان جهاتک اهلى تحقق ايدن مشروط لهنه اصول شرعيه سنه توفيقاً توجيه اوله جنى
ويکرمى دردنجى ماده سنده وقفه سى موجود ومعمول به اولان ويا تعاملى وجه شرعى
اوزره تحقق ايدن اوقاف توليترينک توجيهاتنده وقفه موجبجه وتعاملى مقتضاسنجه
معامله اوله جنى ووقفه معمول بهاسى اوليان وتعاملى ده وجه شرعى اوزره تحقق ايتيان
اوقافک توليتلى کيمسيه توجيه اولنمقسين اوقاف نظارتجه اداره اوله جنى منصوص
ومصرح بولنش اولسنه وبر توليتک انحلالى اوزرينه مذکور نظامنامه نک اللى بشنجى
ماده سى حکمنه توفيقاً امور وقفه مأمورين اوقافجه وضع اوله جنى يدک آنچق توليت
منحله نک مشروطه جهاتدن بولنديغنک غيره تعدى ايدر صورتده ثبوتيله مرتفع اوله جغه

وبونك ايجونده كسب قطعت ايتش براعلامك اصولاً موجوديتي آرايه جفته كوره اشبو اوصافي جامع الله براعلام موجود اولدقجه مسوق لهي مشروطه توليت خصوصنه منحصر اولان و امتحان مثللو معاملات اداريه دن باحث بولان سالف الذكر نظامنامه نك اوتوز بشنجي ماده سنك محل تطبيق بوله ميه جني دركار واكتساب قطعت ايتديكي بيان اولان اعلامك بوبابده كي معارضه و مزاحمه ي دفعه عدم كفايتي هنوز نتيجه لنديكندن بحث اولان دعوانك شهود استماعي صفحه سنده بولنمسيه واضح و آشكار اولمغله اول امرده ذكر اولان دعوانك نتيجه لنديريه رك اعلامه ربطي و مذكور اعلام كسب قطعت ايتدكندن صكره سالف الذكر اوتوز بشنجي ماده تعريفاته توفيق معامله اوله رق بالامتحان اهليتي تبين ايتديكي صورتده على الاصول برات طالي استحصالن دن صكره بالذات ايده مديكي تقديرده ماده مذكوره ده كي شرائطي حائر اولق قيديله كندوسندن قائم مقام اوله رق امور وقفك اوقاف مديري طرفدن بروجه مشروطيت تمشيت ايدلمسي سياقده شقه محي ترقيم قلندي .

*
* *

« مشروطيت وجهله تصرفي مقتضى جهتدرده اهليت مطلقه امتحاني تطبيق ايديله جكنه دائر ترمه س قاضيلكنه »

شعوري اقدى وقفندن باليكسرد كائن دارالعاقيه مدرسه سنك محرم حسي اقديدن منحل مدرس ثانيا لكنك ممالك علماسنك انتخابي دائر سنده توجهي شرط واقف اقتضاسدن اولديني جهتله مسابقه امتحاني كشاد ايديلوب ايدلميه جكنده تردد اولنديغندن بحثله استيدان معامله ي حاوي مفيلكدن وارد اولوب اوقاف هايون نظارت جليله سنه تسيار ايديلن ٩ كانون اول ١٣٣٠ تاريخي تحريرات اوزرينه مسابقه امتحاني تصرفي مشروطيت دائر سنده اوليان جهات حقنده اولوب اشعار واقعه كوره مذكور جهت تدريسيه نك انتخاب علما ايله تعين ايدن ذاته توجهي مشروط اولمغله برابر تعين ايدن مشروط لهك هر حالده بالامتحان اهليت مطلقه سنك ثبوت اقتراي مقتضيات نظاميه دن بولنمسه بناءً جهت مذكوره نك اول وجهله انتخاب واقعه ا كثریت قزنان ذاتك منفرداً بالامتحان اهليتي ثابت اولديني صورتده اكا توجهي لازم كله جكنك شوراي اوقافدن افاده قلنديني نظارت مشاراليها دن باتذكره ازبار ايدلمش اولديغك بيانيله شقه ترقيم قلندي .

*
* *

« اهتدا کيفيتنك حكومتجه رسماً قيد وتصديق ايچون اكالى مشروط يكرى ياشك سنه شمسىه اعتباريله حساب ايديله چكنه دائر يالوه قاضيلكنه »

معاملات رسميه اهتدائيه درسعادته مذاهب مديرينه وطشره لرده مجالس اداره يه محول بولمسيه سنه قمرىه اعتباريله يكرى ياشنى تجاوز ايدى كندن بچشه اهتدا ايتك اوزره معامله لازمه نك ايفاسنى استدا ايدن روم قزينك حكومت محليه يه مراجعتى مقتضى اولدينى واهتدا كيفيتنك حكومتجه رسماً قيد وتصديق ايچون اكالى مشروط اولان يكرى ياشك سنه شمسىه اوله جنى مقررات سابقه احكامندن اولسنه بناء مرقومه نك حسن رضايله قبول اسلاميته اختيارى دركار اولغله برابر معامله رسميه قيديه نك ايفاسى ايچون سنه شمسىه اعتباريله يكرى ياشنى اكالى ايتش اولسى لازم كله چكى شوراي دولت هيئت عموميه سندن با مضبطه افاده قلندينى جواباً وارد اولان تذكرة ساميه ده اشعار ايدلش اولغله اول وجهه ايفاي مقتضاسى سياقده شقه ترقيم قلندى .

تذكرة سابعه

« ممالك اجنبيه ده بولنان مفتيل طرفندن بالتنظيم برى تصديق كوندريلان وينه ممالك اجنبيه ده استعمال ايديله چك اولان واثاق شرعيه نك برى تصديق توديعنده تمغا رسى استيفا ايدليه چكى حقه ده »

ممالك اجنبيه ده بولنان مفتيل طرفندن بالتنظيم برى تصديق كوندريلان وينه ممالك اجنبيه ده استعمال ايديله چك اولان واثاق شرعيه نك برى تصديق وقوع بولان توديعى تمغا قانوننك التجى ماده هيك بشنجى فقره سنه استناداً استعمال عد ايديله رك قانون مذكوره تبعيتى لازم كلوب كليه چكى مستفسر ۱۰ كانون اول ۱۳۳۰ تاريخلى و ۷۷ نومرولو تذكرة عليه مشيختنا هيلرى شوراي دولته لى الحواله قبل التصديق شاين انفاذ واثاق اوليان واثاق شرعيه نك تصديق اكالى مصامله دن عبارت اولدينى جهته استعمال معناسى مفيد اولماديغه بناء ممالك اجنبيه ده اعداد و او محملره عائد رسوم مماثلا سى استيفا اوله رق برى تصديق توديع اولنان واثاق شرعيه نك تمغا رسنه تابع اولمادينى شوراي مذكوره هيئت عموميه سندن با مضبطه افاده اولغله اولبايد امر و اراده حضرت من له الامر كدر .